

**“Андижон биокимё заводи” АЖ нинг
2016 йил 2-ноябрдаги кузатув кенгаши
йиғилиши қарори билан
“ТАСДИҚЛАНГАН”
Кузатув кенгаши раиси:**


А.К.Гаффоров

**“Андижон биокимё заводи” акциядорлик жамиятининг
“Ахборотларни махфий ахборотлар, тижорат сирлари ва
акциялар нархининг ўзгаришига таъсир этиши мумкин
бўлган бошқа маълумотлар тоифасига киритишнинг
аниқ мезонлари тўғрисида”ги
НИЗОМИ**

I. УМУМИЙ ҚОИДАЛАРИ

1. Ушбу Низом Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Тижорат сирини тўғрисида”ги Қонунлари, бошқа қонунчилик ҳужжатлари, “Андижон биокимё заводи” акциядорлик жамияти (кейинчалик Жамият)нинг устави, ва акциядорлик жамиятлари фаолияти самарадорлигини ошириш ва корпоратив бошқарувни такомиллаштириш бўйича Комиссия йиғилишининг 31.12.2015 йил 31 декабрдаги №9 сонли баёни билан тасдиқланган Корпоратив Бошқарув кодексига мувофиқ ишлаб чиқилган бўлиб, Ахборотларни махфий ахборотлар, тижорат сирлари ва акциялар нархининг ўзгаришига таъсир этиши мумкин бўлган бошқа маълумотлар тоифасига киритишнинг аниқ мезонларини белгилайди.

1.2. Мазкур Низомда қуйидаги асосий тушунчалар қўлланган:

махфий ахборот — фойдаланилиши қонун ҳужжатларига мувофиқ чеклаб қўйиладиган ҳужжатлаштирилган ахборот;

тижорат сирини — учинчи шахсларга номаълумлиги сабабли фан-техника, технология, ишлаб чиқариш, молия-иқтисодиёт соҳаларида ҳамда бошқа соҳаларда тижорат қимматига эга бўлган, қонуний асосда эркин фойдаланилмайдиган ахборот бўлиб, ушбу ахборот мулкдори унинг махфийлигини муҳофаза қилиш бўйича чора-тадбирларни кўради;

1.3. Тижорат сирини махфийлигини таъминлаш Ўзбекистон Республикаси Адлия вазирлиги томонидан 2010 йил 24 февралда 2081-рақам билан давлат рўйхатига олинган “Эмитентлар томонидан махфий ахборотни муҳофаза этишни ташкил этиш тўғрисида”ги Низом асосида амалга оширилади.

II. АХБОРОТЛАРНИ МАХФИЙ АХБОРОТЛАР, ТИЖОРАТ СИРЛАРИ ВА АКЦИЯЛАР НАРХИНИНГ ЎЗГАРИШИГА ТАЪСИР ЭТИШИ МУМКИН БЎЛГАН БОШҚА МАЪЛУМОТЛАР ТОИФАСИГА КИРИТИШ МЕЗОНЛАРИ

2.1. Ахборотлар - махфий ахборотлар, тижорат сирлари ва акциялар нархининг ўзгаришига таъсир этиши мумкин бўлган ахборотлар тоифасига киритилиши учун қуйидаги талаблардан бирига жавоб бериши лозим:

- учинчи шахсларга номаълумлиги сабабли ўз мулкдори учун ҳақиқий ёки потенциал тижорат қийматига эга бўлиши;

- қонун ҳужжатларига мувофиқ ҳаммага маълум ёки ҳамма учун очик бўлмаслиги;

- унинг махфийлиги муҳофаза қилиш чора-тадбирлари билан таъминланган бўлиши;

- давлат сирлари ва қонун билан қўриқланадиган бошқа сир белгиларига эга бўлмаслиги.

2.2. Қуйидаги ахборотлар (маълумотлар) тижорат сирини ташкил этиши мумкин эмас:

давлат рўйхатидан ўтказилиши лозим бўлган мол-мулкка доир ҳуқуқлар ва бу ҳуқуқлар бўйича битимлар тўғрисидаги;

жамиятнинг таъсис ҳужжатларидаги, жамият ҳақидаги ёзувлар тегишли давлат реестрларига киритилганлиги фактини тасдиқлайдиган ҳужжатлардаги;

жамиятнинг тадбиркорлик фаолиятини амалга ошириш ҳуқуқини берувчи ҳужжатлардаги;

атроф муҳитнинг ифлосланиши, ёнғин хавфсизлигининг ҳолати, санитария-эпидемиологик ва радиациявий вазият, озиқ-овқат маҳсулотлари хавфсизлиги ҳамда ишлаб чиқариш объектларининг хавфсиз фаолият кўрсатишини, ҳар бир фуқаронинг ва бутун аҳолининг хавфсизлигини таъминлашга салбий таъсир кўрсатувчи бошқа омиллар ҳақидаги;

ҳодимларнинг сони ва таркиби, меҳнатга ҳақ тўлаш тизими ва меҳнат шароитлари тўғрисидаги, шу жумладан меҳнатни муҳофаза қилиш, ишлаб чиқаришдаги жароҳатланишлар ва касб касалликлари кўрсаткичлари, шунингдек бўш иш ўринлари бор-йўқлиги ҳақидаги;

жамиятнинг иш ҳақи тўлаш ва ижтимоий тўловлар бўйича қарздорлиги тўғрисидаги;

жамият ва жамиятнинг мансабдор шахслари томонидан қонун ҳужжатлари бузилишлари ва бундай бузилишларни содир этганлик учун жавобгарликка тортиш фактлари тўғрисидаги;

жамият таркибидаги нотижорат ташкилотлар даромадларининг миқдорлари ва тузилиши, ушбу ташкилотларнинг мол-мулки миқдорлари ва таркиби ҳақидаги, уларнинг харажатлари, бу ташкилотлар ходимларининг (аъзоларининг) сони ва меҳнатига ҳақ тўлаш, нотижорат ташкилотнинг фаолиятида фуқароларнинг текин меҳнатидан фойдаланилиши тўғрисидаги;

юримдик шахс номидан ишончномасиз иш юритиш ҳуқуқига эга бўлган шахсларнинг рўйхати ҳақидаги;

давлат статистика ҳисоботи сифатида тақдим этилиши лозим бўлган маълумотлар.

Ошкор этилиши шартлиги ёки фойдаланишни чеклашга йўл қўйилмаслиги бошқа қонунда белгиланган маълумотлар тижорат сирини ташкил этиши мумкин эмас.

III. ЯКУНИЙ ХУЛОСА

3.1. Ушбу Низом талабларини бузишда айбланган шахслар Қонунчиликда белгиланган тартибга жавобгарликка тортиладилар